

**Zeitschrift:** Nidwaldner Kalender  
**Herausgeber:** Nidwaldner Kalender  
**Band:** 124 (1983)  
  
**Rubrik:** lisers Bärbili

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 17.02.2025

**ETH-Bibliothek Zürich, E-Periodica, <https://www.e-periodica.ch>**

## Iisers Bärbili

Es tänzeled dur d'Stäge -n-ab  
uf siine flingge Sohle  
und gimpeled im gschwinde Trab  
zum Beck es Brod go hole.  
So laif de gschnell, es isch nu wiit,  
scho glii bigoschd isch Mittagsziit.

Es lached eim so frindlich a,  
isch eister gueter Luine.  
Und bliibd es fir-n-es Schwätzli stah  
de muess me gherig stuine,  
so vill as äs z'verzelle weis,  
as wär es ständig uf dr Reis.

Es isch etz i dr viärte Klass,  
nu ordli gued im Lehre.  
Und machid d'Buebe mid um Gspass,  
es cha si scho erwehre.  
Und isch dr Vormittag verbii,  
cha keis so flingg zum Tor uis sii.

Jä Bärbili, dui härzigs Chind,  
pass uif, as d'chaisch so bliibe.  
Ich weiss, as dere ume sind,  
si wend dr das vertriibe.  
I dene los de nid lang zue,  
isch gschüider, gisch ne mid um Schueh.

J.v.M.

